

春秋公羊經傳解詁

三



中

春秋公羊經傳解詁文公第六

何休學

元年春王正月公即位二月癸亥朔日有

食之

是後楚世子商臣弑其君楚滅江六狄比侵中國

天王使叔服來會

葬其言來會葬何

掘奔喪以非禮書舍且昭不言來

會葬禮也

但解會葬者明言來者常文不為早晚施也常事書者文公不肖諸侯莫肯會之故書天子之厚以起諸侯之薄蓋以長補短也

叔服者王子虎也服者字也叔有長幼稱也不繫王者不以親疏錄也不稱王子者時天子諸侯不務或賢而專貴親親故尤

其在位子弟刺其早任以權也魯得言公子者方錄夏四月異辭故獨不言一也諸侯得言子弟者一國失賢輕

丁巳葬我君僖公天王使毛伯來錫公命

錫者何賜也命者何加我服也

與桓公同死生

異也主書者惡天子也古者三載考績三考黜陟幽明文公新即位功未足施而錫之非禮也晉侯伐衛

叔孫得臣如京師聘書者與莊二十五年同知不為喪聘書者聘為貢職天子當得異方

之物以事宗廟又欲以知君父無恙不以喪廢故不譏也如他國就不三年一譏而已衛人伐晉秋

公孫敖會晉侯于戚冬十月丁未楚世子

商臣弑其君髡楚無大夫言此子者甚惡世子弑父之禍也不言其父言其君者君之於世子

有父之親有君之尊言此子者所以明有父之親言君者所以明有君之尊又責臣子當討賊也日者庚狄子弑父忍言其日

公孫敖如齊書者譏與娶吉凶不相干

二年春王二月甲子晉侯及秦師戰于彭

衙秦師敗績稱秦師者愍其眾惡其將前以不用賢者之稱秦師者愍其眾惡其將前以不用賢者之

不正者賤之不嫌得敵君丁丑作僖公主作僖公主者何為

僖公作主也

為僖公廟作主也主狀正方穿中央達四方天子長尺二寸諸侯長一尺

主者

曷用虞主用桑

禮平明而葬日中而反虞以陽求陰謂之虞者親喪以下壙皇皇無所親求而

虞事之虞猶安神也用桑者取其名與其纍纍所以副孝子練之心禮虞祭天子九諸侯七卿大夫五士三其奠與猶吉祭紼

主用栗

謂期年練祭也理虞主於兩階之間易用栗也夏后氏以松殷人以柏周人以栗松猶容也想見其

容貌而事之主入正之意也柏猶泊也親而不遠主地正之意也栗猶戰栗謹敬貌主天正之意也禮士虞記曰桑主不文吉

主皆刻而謚之蓋為禘洽特別昭穆也用栗者藏主也

虞主三代同者用意尚纍纍未也別也作僖公主何以書據作餘公譏藏于廟室中常所當

何譏爾不時也其不時奈何欲久喪而後不

能也

禮作練主當以十三月文公亂聖人制欲服喪三十六月十九月作練主又不能卒竟故以二十五月也日者

鬼神

三月乙巳及晉處父盟此晉陽處父

也何以不氏

据晉陽處父代楚救江

諱與

大夫盟也

諱去氏者使若

得其君如經言邾婁儀父矣不夏六月公孫教會宋公

陳侯鄭伯晉士穀盟于垂斂

盟不日者欲共盟誅商臣雖不能誅

猶為疾惡故也褒與信辭也不如丘兩舉會盟詳錄之者時至即盟會禮不成

自十有二月

不雨至于秋七月何以書記異也

以不大旱

以災書此亦旱也曷為以異書大旱之日

短而云災

云言也言有災

故以災書此不雨之日長

而無災故以異書也

此祿去公室政在公子遂之所致也不就莊三十一

此最甚事著

八月丁卯大事于大廟躋僖公大事

者何大禘也

以言大與有事異文從僖八年禘數之知為大禘

大禘者何

合祭也其合祭奈何毀廟之主陳于大祖

毀廟謂親過高祖毀其廟藏其主于大祖廟中禮取其廟室筆以為死者炊沐大祖周公之廟陳者就陳列大祖前大祖東鄉

昭南鄉穆北鄉其餘孫從王公之曰昭子曰穆昭取其鄉明穆取其比而尚敬未毀廟之主皆

升合食于大祖

自外來

五年而再殷祭

殷盛也謂三年

禘五年禘禘所以異於禘者功臣皆祭也禘猶合也禘猶諦也審諦無所遺失禮天子特禘特佑諸侯禘則不祔禘則不嘗大

夫有賜於君然

躋者何升也何言乎升僖公

據禘

廟不道

譏何譏爾逆祀也其逆祀奈何先禰

而後祖也

升謂西上禮昭穆相父了近取法春秋惠公與莊公當同南面西上隱相與閔僖亦當同北面

西上繼閔者在下六公緣僖公於閔公為庶兄置僖公於閔公上失先後之義故譏之傳曰後祖者僖公以臣繼閔公猶子繼

父故閔公於文公亦猶祖也自先君言之隱桓及閔僖各當為兄弟顧有貴賤耳自繼代言之有父子君臣之道此恩義逆順各有所施也不言吉裕者就冬晉人宋人陳人鄭人不三年不復讎略為下張

伐秦公子遂如齊納幣納幣不書此何以

書讎何讎爾讎喪娶也娶在三年之外則

何讎乎喪娶據逆在四年三年之內不圖婚僖公以

薨至此未滿二十五月又禮先納采問名納吉禘于莊公

讎然則曷為不於祭焉讎據吉禘于莊公讎始不三年大事圖婚俱不三

年大事從吉禘不復讎三年之恩疾矣疾非虛加之也非

加責以人心為皆有之以人心忍皆有之以人心為

皆有之則曷為獨於娶焉讎據孝子疾痛吉事皆不當為非獨娶

也娶者大吉也

合二姓之好傳之於無窮故為大吉

非常吉也

與大事異其

為吉者主於己

主於己身不如祭祀尚有念先人之心

以為有人心

焉者則宜於此焉變矣

變者變慟哭泣也有人心念親者聞有欲為己圖婚

則當變慟哭泣矣況乃至于納幣成婚哉

三年春王正月叔孫得臣會晉人宋人陳

人衛人鄭人伐沈沈潰夏五月王子虎卒

王子虎者何天子之大夫也外大夫不卒

此何以卒

據原仲也

新使乎我也

王子虎即叔服也新為王者使來會葬在葬後

三年中卒君子恩隆於親親則加報之故卒明當有恩禮也尹氏卒日此不日者在期外也名者卒從正

秦人伐

晉秋楚人圍江雨螽于宋雨螽者何死而

墜也

以先言雨也墜隋地也不言如雨言雨蝨者本飛從地上而下至地似雨尤醇

何以書記

異也外異不書此何以書為王者之後記

異也

蝨猶眾也眾死而墜者羣臣將爭彊相殘賊之象是後大臣比爭鬪相殺司城驚逃子哀奔亡國家廓然無人

朝廷久空蓋猶三世內娶貴近冬公如晉十有二月

己巳公及晉侯盟晉陽處父帥師伐楚救

江北伐楚也其言救江河

據兩之當先言救也非兩之當重出處父也生

事當言遂三者皆違例知後為諉也諉詐其為諉柰何

伐楚為救江也

救人之道當指其所之實欲救江而反伐楚以為其勢必當引圍江兵當還自

救也故云爾孔子曰自古皆有死民無信不立

四年春公至自晉夏逆婦姜于齊其謂之

逆婦姜于齊何

据不書逆者主名不言如齊不稱女

略之也

稱婦姜至文也逆與

至共文故為略

高子曰娶乎大夫者略之也

賤非所以奉宗廟故略之

不書逆者主名卑不為錄使也不言如齊者大夫無國也不稱女者方以婦姜見與至共文重至也不稱夫人為致文者賤不

可奉宗廟也不言氏者本當稱女女者父母辭君子不奪人之親故使從父母辭不言氏

狄侵齊秋楚

人滅江晉侯伐秦衛侯使甯俞來聘冬十

有一月壬寅夫人風氏薨

五年春王正月王使榮叔歸含且贈含者

何口實也

孝子所以實親口也緣生以事死不忍虛其口天子以珠諸侯以玉大夫以碧士以貝春秋之

制也文家加飯以稻米

其言歸含且贈何

据宰咺歸兩贈不言且也連贈何之者嫌据贈

言歸兼之兼之非禮也

且兼辭以言且知譏兼之也含言歸者時主持含來也去天者

舍者臣子職以至尊行至卑事失尊之義也不從含晚言來者本不當含也主書者從含也

三月辛亥

葬我小君成風成風者何僖公之母也

風氏也任

宿顓史之姓

王使召伯來會葬

去天者不及事刺比失喪禮也

夏公孫

敖如晉秦人入郛秋楚人滅六冬十月甲

申許男業卒

六年春葬許僖公夏季孫行父如陳秋季

孫行父如晉八月乙亥晉侯謹卒冬十月

公子遂如晉葬晉襄公

書遂者刺公生時數如晉葬不自行非禮也禮諸侯

薨使大夫吊自會葬

晉殺其大夫陽處父晉狐射姑出

奔狄晉殺其大夫陽處父則狐射姑曷為

出奔

據蔡殺其大夫公子變蔡公子履出奔楚此非同姓恐見及

射姑殺也

以非恐見及知

其射姑殺則其稱國以殺何君漏言也

上自

言泄下

其漏言奈何君將使射姑將

謂作中陽軍大夫

處父諫曰射姑民衆不說不可使將於是

廢將陽處父出射姑入君謂射姑曰陽處

父言曰射姑民衆不說不可使將射姑怒

出刺陽處父於朝而走

明君漏言殺之當坐殺也易曰君不密則失臣臣不密則

失身幾事不密則害成

閏月不告月猶朝于廟不告月者

何不告朔也

禮諸侯受十二月朔政於天子藏于大祖廟每月朔朝廟使大夫南面奉天子命君北面

而受之比時使有司先告朔愼之至也受於廟者孝子歸美先君不敢自專也言朝者緣生以事死親在朝朝莫夕已死不敢

溲鬼神故事必于朔
者感月始生而朝 曷為不告朔
月也 天無是月也

閏月矣何以謂之天無是月是月非常月

也
所在無常故無政也 猶者何通可以已也
朝者因視朔政爾無政而朝故加猶

不言朔者閏月無告朔禮也不言公者內事可知

七年春公伐邾婁三月甲戌取須朐取邑

不日此何以日
據取叢也 內辭也使若他人然
使若公春

伐邾婁而去他人自以甲戌日取之內再取邑然後其而日也今此一取而日故使若他人然所以深諱者龜之盟不見序并

為取 遂城郛
主書者甚其生事困極師眾 夏四月宋公王臣

卒
不書葬者坐殺大夫也 宋人殺其大夫何以不

名
據宋殺其大夫 宋三世無大夫三世內娶也
故使無大

不夫山名

夫戊子晉人及秦人戰于令狐晉先昧以

師奔秦此偏戰也何以不言師敗績據秦師敗績

敵也俱無勝負此晉先昧也其稱人何據奔無出文知先昧也貶

曷為貶據新築之戰衛孫良夫敗績不貶外也其外柰何以師

外也懷持二心有功欲還無功便持師出奔故於戰貶之起其以師外也本所以懷持二心者其各亦由晉侯要以

無功當誅也不起者敵而外事可知也何以不言出據楚囊瓦俱戰而奔言出遂在外

也起其生事戎於竟外從竟外去狄侵我西鄙秋八月公會諸

侯晉大夫盟于扈諸侯何以不序大夫何

以不名序次也據新城盟諸侯序趙盾名公失序也公失序柰何

諸侯不可使與公盟朕晉大夫使與公盟

也

以目通指曰朕文公內則欲久喪而後不能喪娶逆祀外則貪利取邑為諸侯所薄賤不見序故深諱為不可知之

辭不日者順諱為善文也

冬徐伐莒

謂之徐者前共滅王者後不知尊先聖法度今自先犯文對事連可

以起同惡莒在下不得狄故復狄徐也一罪公孫敖如莒再狄者明為莒狄之爾徐先狄在僖十五年

莒盟

八年春王正月夏四月秋八月戊申天王

崩冬十月壬午公子遂會晉趙盾盟于衡

雍乙酉公子遂會伊維戎盟于暴

四日不能再出不卒

名著非一事再見也

公孫敖如京師不至復丙戌奔莒

不至復者何不至復者內辭也不可使往

也

安居不肯行故諱使若已行但不至還爾即已行當道所至乃言復如至黃矣

不可使往

則其言如京師何遂公意也

正其義不使君命壅塞

何

以不言出

據慶父言出奔

遂在外也

諱使若從外奔不敢復還者也日者嫌教罪明

則起君弱故諱使若無罪

衆先是公如晉公子遂公孫敖比山不可使勢奪於大夫煩擾之應

宋人殺

其大夫司馬宋司城來奔司馬者何

司城者何皆官舉也

皆以官名舉言之天子有大司徒大司馬大司空皆

三公官名也諸侯有司徒司馬司空皆卿官也宋變司空為司城者辟先君武公名也

曷為皆

官舉

據宋殺其大夫山下官舉

宋三世無大夫三世內娶

也

宋以內娶故威勢下流三世妃黨爭權相殺司城驚逃子哀奔亡主或不知所任朝廷久空故但舉官起

其事也大夫相殺例皆時

九年春毛伯來求金毛伯者何天子之大

夫也何以不稱使據南季稱使當喪未君也時王新有三年

喪踰年矣何以謂之未君據前在八年踰年當即位即位矣

而未稱王也未稱王何以知其即位以諸

侯之踰年即位亦知天子之踰年即位也

俱繼體其禮不得異以天子三年然後稱王亦知諸侯

於其封內三年稱子也各信忘於其踰年稱公矣

則曷為於其封內三年稱子緣民臣之心

不可一日無君緣終始之義一年不二君

故君薨稱子其既葬稱子明繼體以繫民臣之心不可曠年無君故踰年稱公緣

孝子之心則三年不忍當也孝子三年志在思慕不忍當父位故